



**Claudii Fleurii Abbatis Historia Ecclesiastica**

Ab anno Christi 1551. usque ad annum 1553

**Fleury, Claude**

**August. Vind. [u.a.], 1771**

**VD18 90118561**

§. 148. Lazari Bonamici mors.

---

[urn:nbn:de:hbz:466:1-66577](#)

Sæcul. XVI.

A.C. 1552.

§. CXLVIII.

*Lazari Bonamici mors.*

*Thu. l. c.  
Joan. Im-  
per. in Mu-  
sæo hist.  
Spond hoc  
ann. n. 20.*

Lazarus Bonamy, seu Bonamicus Bassani in Territorio Tarvisino natus Patrem habuit sua professione colorum, qui filium suum pariter ad agriculturam destinaverat, ac eidem. quamvis in illo literarum amor longe prævaleret, ægre admodum permiserat, ut vacaret studiis, quibus tamen brevi tempore ob linquarum peritiam, atque exactam antiquitatum cognitionem tantam sibi nominis famam comparabat, ut Reginaldus Polus, qui cum eo Patavii consuetudinem junxerat, illum Romanum secum adduceret, ubi tamen Lazarus Anno post Christum natum millesimo quingentesimo vigesimo sexto tam librorum, quam scriptorum jacturam fecerat, cum eo tempore urbs a Cæsareo milite spoliaretur. Hoc damno admodum afflictus Patavium rediit, ubi artis Rheticæ Professor reliquos vitæ suæ dies admodum pacate transegerat, quin ulla pacto pro acceptandis aliis dignitatibus, aut officiis ad deserendam hanc urbem induci posset, licet Bononienses eidem amplissima obtulissent præmia, ut illum ad suam Academiam pellicerent. Insuper Ferdinandus, qui tum Hungariæ Rex erat, illum ad au-

lam

lam suam accersere nitebatur , nilque Sæcul. XVI.  
intentatum relinquebat Clemens VII. A.C. 1552.  
Papa , ut hunc Scriptorem Romam  
pertraheret. Hic quietem suam præfe-  
rebat summis etiam honorum fastigiis ,  
quæ aliunde bene moratæ indolis Vi-  
rum beatum reddere nequeunt. Por-  
ro Lazarus nonnisi quasdam epistolas ,  
ac sermones posteritati reliquit , eum  
tamen Cardinalis Bembus , aliquie il-  
lius ævi Doctores celeberrimi summo in  
honore habebant. Obiit tandem die  
octava Februarii Anno Dominicæ In-  
carnationis millesimo quingentesimo  
quinquagesimo secundo , postquam sep-  
tuagesimum tertium ætatis suæ annum  
expleverat , eique defuncto Hierony-  
mus Negro , seu Niger Venetus oratio-  
ne funebri parentabat. Ceterum hic  
idem Scriptor probe discernendus ve-  
nit ab alio quodam Francisco Bonami-  
co , qui itidem sua eruditione percele-  
bris evaferat.

### §. CXLIX.

#### *Paulus Jovius Historicus mortuus.*

Exente hoc anno die undecima De- Thu. hist. I.  
cembris Florentiæ extremum diem II. p. 351.  
pariter clauserat Paulus Jovius celebris versus finem  
Historicus Novocomii in Longobardia Spond. hoc  
natus. Expleverat is ætatis suæ an-  
num sexagesimum nonum , septem men-  
ses ,